

تدریس

احمد راسم

نه مسعودیت! باعث شوق عائله اولان کریمه بیومش، حرکاتی، اطواری، اوضاعی طاتلی دیلی، فریادی، فغانی، تازی، انفعالی ایله قوجه خانہ بی اشغال ایتمک باشلامش. چوجق خانہ نك حیات اجتماعیه سنه دلالت ایتمدیکی جهته پدر و مادرینک هر درلو اهتماماتی او ثمره فؤادک تعالیم و تربیه سنه محصور قالیر. چوجق، تمامیت عائله بی تشکیل ایلمدیکی جهته افراد عائله نك کافه سی آنک وجودندن مستفید اوله رق بنسای مدینتک اس اساس متینی اولان تکثر انسال قضیه سی آنده کوره رک مسرور اولور. چوجق ذکاوت و فطانت بشر به نك حرکات تدریجیه سی اثبات ایدر براهین طبیعیه دن اولسی حسیله افراد بشر آنده کی تحولات روحیه و ذهنیه بی برر برر سیر - ایدرک احوال حاضره مدینه نك مناقب جدیه و علمیه سندن اولان ترغیب مساعی و تشویق اعمال مواد معتاسنک کندی نفسنده دخی تماماً حصولنه ساعی اولور. کریمه بیومش، هنوز آلتی یاشنده، صاری، قیویر جق صاچلری اوموز باشلرینه هنوز ایرمش، کوچک وجودنی بیاض بر فیستو اورته رک سریع، مینی مینی آیاقلرینی عربان براقش. فقط اوده کی شماتی، ولوله سی، آرتق زوال پذیر اوله جق هر کون نشئه لر ایچنده قالمیه جق. زیرا حیاتک اکدار و آلامی پک قیصه اولان عالم نشئه بی چابوجق تعقیب ایدر. بناء علیه خزینه آمالی کوچکدن توکتمک روادکلر. او کوچک دماغده بر طاقم محفوظات مسرورانه بولمالی. او کوچک دماغده بر طاقم خاطرات بشریه بولمالی، او کوچک ذهن، مکتسبات حاضره و مستقبله سی ایله کسب توسع ایدرک بنسای عائله بی تحکیم ایدرک اسباب و وسائلی استکماله مجد و مقدم اولمالی.

کریمه بیومش، آرتق سن تحصیل دخی حلول ایتمش. جمعیات بشر به نك اک بیوک، اک مهم مکتبی اولان معارف بیتیه دائره سنه کیرمش. اومعارف بیتیه که شان مدینتک لوازم قطعیه سندندر والده آنی

کندی یاوروسنه تعالیم و تدریسه مجبوردر. جهانده معارف بیتیه قدر اذهان و افکار بشریه اوزرینه تأثیرات حسنه سی اولان هیچ بر مکتب یوقدر. زیرا هنوز آچیلش اولان اودماغ احوال مدینه نك کافه سی اوده کوره جکدر. او چوجق، وظائف عائله، سعی مشترک، تقسیم اعمال، محبت طرفین، تشکیل عائله، وظائف متقابله، تربیه ذهنیه، مدنیه، کبی بیکلر جه سنه لردن بری اجساد بشرک بریکدیردیکی خزان عرفانک اوراده بر آموزش صغیرنی کوره جک. زیرا عائله مکتبک کوچکی، مکتبده منسوب اولدینی هیئت اجتماعیه نك بر نمونه اصغریدر هیئت اجتماعیه نه ایسه عائله ده اودر. بونلر بری ابتدا، دیکری انتها اولق اوزره ایکی طرفی ارائه ایدر.

کریمه بیومش. والده بو ترقی سی نظر اعتباره الهرق هر درلو مباحث بشر به نك مفتاح عمومیه سی اولان او قویوب یازمغه قیزی ترغیب ایدیور. حتی بر کون دیش که:

--- قیزم! سنک او یونجاقلر کدن، اکلنجه لر کدن دها زیاده طاتلی براکلنجه بولدم. اولجه براز صیقیلیرسک اما صکره لری اکلنیرسک دیهرک الفبایه باشلامش.

فقط کریمه ذکی، فطین. در حال او مفتاحی، بیتیرمش تبعات طفلانه بی تحریک ایدر جک بر کتابی آناسنک دلالتیه او قومغه باشلامش. بو چوجقک بیوکلانی کورمک ایسترمیسکر، یاننده کی وجود محبت آودی دقتله تماشا ایدک.

احمد راسم



فنی اکلنجه

متقطع هشتمه — عادی برغاز شیشه سی ایکی طرفدن مانتر قپاق ایله قپادینگکز کبی چشمه نك خزینه سی اولور. شیشه بی باش اشاعی چویروب رسمی کوردیککز اوزره بر بیوک مانتری تپه سندن کچیرم، اورایه اوچ یمک چتالی صاپلایه لم، او حالده خز - ینه مزک آیاقلری میدانه کلیر، شممدی تنکدن ویاتخته دن بر قوطو قپاغی آله لم، ایچنه بر دلیک دله لم، چتالی ایشته بو قپاغک ایچنه اتکا ایدر سکز، نه حاجت رسمده